

Starfsleyfisskilyrði fyrir starfsemi Icelandair að Fálkavelli 27 á Keflavíkurflugvelli

Starfsleyfið er gefið út af Heilbrigðiseftirliti Suðurnesja í samræmi við ákvæði laga nr. 7/1998 um hollustuhætti og mengunarvarnir og reglugerðar nr. 550/2018 um losun frá atvinnurekstri og mengunarvarnaeftirlit og reglugerð nr. 797/1999 um varnir gegn mengun grunnvatns.

1. ALMENN ÁKVÆÐI OG MARKMIÐ

Starfsleyfið gildir fyrir starfsemi Icelandair., kt. 461202-3490, að Fálkavelli 27 og nátengdum byggingum sem heyra undir starfsemi fyrirtækisins til viðhalds og viðgerða á flugvélum og búnaði þeim tengdum á Keflavíkurflugvelli. Starfsemi í flugskýli Icelandair er margþætt og gilda einnig eftirfarandi samræmd starfsleyfisskilyrði fyrir starfseminna:

- a) Almenn starfsleyfisskilyrði fyrir mengandi starfsemi
<https://www.ust.is/library/sida/atvinnulif/Almenn%20starfsleyfisskilyr%C3%B0i%20fyrir%20mengandi%20starfsemi.pdf>
- b) Starfsleyfisskilyrði fyrir vélaverkstæði
<https://www.ust.is/library/sida/atvinnulif/Starfsleyfisskilyr%C3%B0i%20fyrir%20v%C3%A9laverkst%C3%A6%C3%B0i.pdf>
- c) Starfsleyfisskilyrði fyrir bifreiðasprautun
<https://www.ust.is/library/sida/atvinnulif/Starfsleyfisskilyr%C3%B0i%20fyrir%20bifrei%C3%B0asprautun.pdf>
- d) Starfsleyfisskilyrði fyrir málmsmiðjur
<https://www.ust.is/library/sida/atvinnulif/Starfsleyfisskilyr%C3%B0i%20fyrir%20m%C3%A1lmsmi%C3%B0jur.pdf>
- e) Starfsleyfisskilyrði fyrir smurstöðvar
<https://www.ust.is/library/sida/atvinnulif/Starfsleyfisskilyr%C3%B0i%20fyrir%20smurst%C3%B6%C3%B0var.pdf>

Markmið starfsleyfis er að koma í veg fyrir mengun og stuðla að hollustu og hreinu umhverfi.

2. GILDISSVIÐ

- 2.1. Heilbrigðiseftirlit Suðurnesja hefur eftirlit með starfsemi rekstaraðila, samkvæmt ákvæðum laga nr. 7/1998 um hollustuhætti og mengunarvarnir, ákvæðum reglugerðar nr. 550/2018 um losun frá atvinnurekstri og mengunarvarnaeftirlit, reglugerðar nr. 797/1999 um varnir gegn mengun grunnvatns og reglugerðar nr. 798/1999 um fráveitur og skólp ásamt síðari breytingum. Starfsleyfishafa er skylt að fara eftir lögum og reglugerðum er lúta

- að starfsemi og eftir því sem nánar er fyrir mælt í starfsleyfisskilyrðum.
- 2.2. Verði meiriháttar breyting á rekstrinum eða breyting sem gæti leitt til aukinnar mengunar að mati Heilbrigðiseftirlits Suðurnesja ber að sækja um starfsleyfi að nýju. Heimilt er að endurskoða starfsleyfisskilyrðin ef í ljós koma annmarkar á framkvæmd þeirra, skaðleg áhrif á almenning eða röskun á lífríki eða umhverfi sem ekki voru ljós fyrir. Sama gildir ef fram koma almennar kröfur eða ný tækni er leiða til bættra mengunarvarna.
- 2.3. Um varnir gegn skaðlegum áhrifum á starfsmenn og starfsumhverfi fer samkvæmt lögum nr. 46/1980 um aðbúnað, hollustuhætti og öryggi á vinnustöðum.

3. UMHVERFI, BÚNAÐUR OG MENGUNARVARNIR

- 3.1. Við reksturinn skal leitast við að draga úr álagi á umhverfið, beita bestu fánlegri tækni til að ná þeim markmiðum og skipuleggja orkunotkun á sem vistvænastan hátt.
- 3.3. Fyrirtækinu er skylt að sjá um að á öllu athafnasvæði þess sé gætt fyllsta hreinlætis. Við gerð og staðsetningu mannvirkja og tækja og rekstur allan, skal taka fyllsta tillit til nauðsynlegra heilnæmis- og hollustuhátta.
- 3.4. Um meðferð og frágang olíu- og gastanka og búnaðar fer samkvæmt reglugerð nr. 884/2017 um varnir gegn olíumengun frá starfsemi í landi.
- 3.5. Allar vélar og tæki, hráefni og annað það er starfseminni tilheyrir skal vistað í húsnaði og lóð fyrirtækisins og þannig frá því gengið að ekki valdi óþrifum og óþægindum.
- 3.6. Fyrirtækið skal ávallt leitast við að velja sem minnst mengandi efni við starfsemina. Nota skal hreinsi- og þvottaefni sem hafa fengið viðurkenningu heilbrigðisfyrivalda.
- 3.7. Eftirlit og viðhald með vélum og mengunarvarnarbúnaði, m.a. síum og skiljum skal ávallt vera með þeim hætti að ekki eigi sér stað óleyfileg útlosun.
- 3.8. Við allar mengunarvarnir skal nota bestu fánlegu tækni, vinnslu- og rekstartækni sem veldur sem minnstum úrgangi og leitast við að nota sem hættuminnst efni við allar framkvæmdir, viðhald og rekstur.

4. ÚRGANGUR OG SPILLIEFNI

- 4.1. Draga skal eins og unnt er úr framleiðslu úrgangs. Stefnt skal að fullnýtingu hráefna og stuðla skal að endurnýtingu og endurvinnslu úrgangs eins og kostur er.
- 4.2. Úrgang skal flokka eftir því sem tök eru á til endurvinnslu og flytja reglulega til eyðingar eða vinnslu hjá viðurkenndum móttökuaðilum.
- 4.3. Skylt er að sjá um að hindraður sé aðgangur meindýra, vargfugls og annarra dýra að gámum og úrgangsgeymslum.
- 4.5. Hættuleg efni skulu meðhöndluð af varúð og þess vandlega gætt að þau hvorki berist í niðurföll né geti á annan hátt valdið umhverfisskaða eða heilsutjóni almennings. Starfsfólk skal hafa fullnægjandi þekkingu á eitrunarhættu og eiginleikum þeirra efna sem það vinnur með og skulu upplýsingar þar að lútandi ávallt vera tiltækar á vinnustaðnum.
- 4.6. Geyma skal öll hættuleg efni, efnasambönd og efnaúrgang á öruggan hátt og í samræmi við fyrirmæli Vinnueftirlits ríkisins. Fyrirtækið skal eftir mætti draga úr myndun spilliefna, m.a. með notkun skaðlausra efna eða með endurnýtingu

efna. Spilliefni skal ekki geyma til langframa á umráðasvæði fyrirtækisins. Spilliefnum skal skila reglulega til aðila með leyfi til móttöku eða flutnings á viðkomandi spilliefnum. Þetta gildir m.a. fyrir eftirtalin efni: *Klórflúorkolefni (freon, kælimiðlar), ammoníak, klór, lút, sýru, sápur, hreinsiefni, olíur, málningu, lökk, lím og lífræn leysisefni*. Þegar spilliefnum er skilað skal kvittun fyrir skilum fengin frá flutningsaðila eða móttökustöð. Á kvittuninni skal koma fram nafn beggja aðila, magn og gerð spilliefnanna ásamt dagsetningu.

- 4.7. Umbúðir hættulegra efna skulu merktar með varnaðarmerkjum og hættu- og varnaðarsetningum sbr. reglugerðar um flokkun, merkingu og umbúðir efna og efnablanda, nr. 415/2014.
- 4.8. Óheimilt er að blanda spilliefnum við annan úrgang eða losa þau í fráveitu. Ekki skal blanda saman mismunandi flokkum spilliefna.

5. LOFTMENGUN

Takmarka skal loftmengun frá starfseminni eins og kostur er. Þess skal gætt að ryk og hættulegar, daunillar og lyktarmiklar lofttegundir valdi ekki óþægindum í nærliggjandi umhverfi. Komi í ljós vandamál vegna lyktamengunar, skal fyrirtækið leita leiða til að leysa vandamálið í samráði við heilbrigðiseftirlitið. Halda skal loftmengun þannig í lágmarki og viðhalda þeim gæðum sem felast í hreinu og ómenguðu lofti.

6. FRÁVEITUR

- 6.1. Fyrirkomulag og staðsetning hreinsivirkja frárennslis skal fara samkvæmt fyrirmælum byggingarnefndar og heilbrigðiseftirlits og vera í samræmi við leiðbeiningar heilbrigðisyfirvalda þar sem við á. Fráveituvatn skal vinna til förgunar á þann hátt að heilsu manna stafi ekki hætta af og röskun á lífríki verði sem minnst. Fráveitur vélaverkstæða og olíumannvirkja skal leiða um viðurkenndar olíugildir.
- 6.2. Ef þvo á vélar og tæki eða hluta þeirra utandyra skal það gert á föstu vökvaheldu plani með afrennsli um olíuskilju. Fyrirtækið skal ávallt leitast við að velja sem minnst mengandi aðferðir til vélarþvotta s.s. lokuð kerfi án leysisefna t.d. gufupvott og háþrýstipvott. Leitast skal við að notast við þvottaefni sem hafa fengið viðurkenningu Umhverfisstofnunar.
- 6.3. Tæma skal seyru úr rotþróum reglulega. Seyru úr rotþró skal flytja á viðurkenndan förgunarstað og meðhöndla í samræmi við reglur.

7. EIGIÐ EFTIRLIT

- 7.1. Fyrirtækið skal koma á fjölþættu innra eftirlit með öllum rekstrarþáttum, m.a. varðandi mengunarvarnir og öryggisatriði. Vöktunaráætlun mengunarvarnaþátta skal kynna heilbrigðiseftirliti árlega þegar reglubundið eftirlit fer fram. Halda skal m.a. eftirlitsskýrslur og dagbók þar sem er skráð:

- a) Atriði er varða rekstur hreinsibúnaða, hreinsun og viðgerðir búnaðar, dagsetningu á tæmingu og losun, efnamagn og förgunarþætti.
- c) Skrá skal notkun, flutning og förgun spilliefna í samræmi við ákvæði í reglugerð um spilliefni nr. 806/1999 ásamt síðari breytingum.

- d) Losun úr rotþróð, nýtingu eða förgun seyr.
- e) Losun og förgun úr olúgildrum.
- f) Atvik er varða mengun og mengunarvarnir fyrirtækisins, s.s. bilanir á búnaði eða slys.

Upplýsingar þessar skulu vera aðgengilegar eftirlitsaðila hvenær sem er. Tilkynna skal eftirlitsaðila um öll meiriháttar frávik varðandi mengun ásamt öðrum þáttum er geta varðað almannaeiill.

Fyrirtækið skal kynna Heilbrigðiseftirliti Suðurnesja niðurstöður umhverfissvöktunar og rannsókna á árlegum samráðsfundi.

- 7.2. Ef mengunaróhöpp verða, s.s. af freon, klór, sápur eða önnur spilliefni leka út í umhverfið eða niður í fráveitu, skulu tafarlaust gerðar ráðstafanir til að stöðva lekann og hreinsa upp efnið sem hefur lekið niður. Hafa skal samráð við heilbrigðiseftirlitið og aðra eftirlitsaðila eftir því sem við á.
- 7.3. Á hverri vinnuvakt skal starfa vaktstjóri, sem hefur góða þekkingu á búnaði og starfsreglum þessum sem og öðrum reglum fyrirtækisins.

8. GILDISTAKA OG GJALDSKYLDA

Starfsleyfi þetta er veitt til tólf ára í samræmi við 6. grein laga um hollustuhætti og mengunarvarnir nr. 7/1998 og ákvæði reglugerðar nr. 550/2018 og öðlast gildi við birtingu. Eintak af starfsleyfi skal ávallt tiltækt á vinnustað. Forráðamaður fyrirtækisins ber ábyrgð á að það starfi í samræmi við skilyrði í starfsleyfi þessu. Heimilt er að endurskoða starfsleyfisskilyrðin samkvæmt 14. gr. reglugerðar 550/2018 um losun frá atvinnurekstri og mengunarvarnaeftirlit.

Starfsleyfishafi greiðir Heilbrigðiseftirliti Suðurnesja fyrir útgáfu og kynningu starfsleyfisins. Ef forsendur breytast getur komið til sérstakrar endurskoðunar á starfsleyfinu. Jafnframt greiðir starfsleyfishafi fyrir mengunarvareftirlit, skv. gjaldskrá Heilbrigðiseftirlits Suðurnesja, sbr. 46. gr. laga nr. 7/1998 um hollustuhætti og mengunarvarnir. Gjöld vegna eftirlits og útgáfu starfsleyfis má innheimta með fjárnámi og skulu tryggð með lögveðsrétti í viðkomandi fasteign tvö ár eftir gjalddaga.

Um valdsvið og þvingunarúrræði gilda ákvæði VI. kafla laga nr. 7/1998 um hollustuhætti og mengunarvarnir.

Forráðamenn fyrirtækisins skulu kynna sér þau lög og reglur sem viðkoma starfsemi fyrirtækisins.

Gefið út af heilbrigðisnefnd Suðurnesja þann xx. xxxx 2021.